

حبيبي لا تعذري

حبيبي لا تعذر والجروح اسبابها الأعذار
وانا ادري مايطيب الحب غير بكثرة ذنوبه
يليت الجرح ما بيح نزيفه باقي الأسرار
ياليتته كان ذنب ابدون عذر وتغفره توبه
أنا اللي ماخذنا منك القصاص ولا طلب له ثار
على كثر الحقوق اللي تمنى قول مطلوبه
أهلي بالمواجه كل مانسأقت من الأقدار
واقول يحلها اللي حطها للقلب مكتوبه
حطبت ضلوعي وشبيت ضوك يا عذاب النار
وانا استر كل هم وكل هم ضاق به ثوبه
تذكر كيف سيكت المشاعر في هواك انهار
عطيتك للفرح صحوه ولأحزان غيبوبه
عطيتك وقتي ورحت اترقب قاصف الأعمار
وانا سنيني على عمر نثرته فيك محسوبه
حبيبي وان بغيت الصدق ياشين الهوى لاجار
حبيبي وان بغيت الكذب كلن ملك محبوبه
دخيلك لا تعذر والليالي خلها تندار
يبين النور والا ياعساه يطول غروبه

ناصر القحطاني



عابر سبيل

كان ضاق المكان اللي من أول مكان
أطرقى يا قدم رجلى دروب الرحيل
ليه أساير وأجامل في هروج اللسان
أحسن البعد والله في عباده كفيل
قبل تظهر خفيات الخواطر بيان
مابديناه بن وهيل تاليه هيل
ما جزا مدة الاحسان غير الحسان
سلمى وسلم جداني وسلم الاصيل
دورت الوقت حكمة واضحه للعيان
يطوى الليل صبح ويطوى الصبح ليل
كل شي يهون ألا فراق الخوان
وأكبر الهم نكران الخوى للجميل
التجارب مدارس والزمان الزمان
والمراجل صعيبه والمكاسب حصيل
والجدي نجم ثابت له مكانه وشان
لكن الناس تفرح عند مطلع سهيل
وأنت يا ذيب لاتنزل شعيب الطمان
بين ضلع قصير وبين ضلع طويل
فيك هقواتنا وقت القسا والليان
وكل هقوه جزيله مالها الا الجزيل
أنتبه ماعلى الدنيا ثبات وضمنان
لاتقول الكثير يعوض فيه القليل
أعتبر يا حبيبي والله المستعان
مال وادي النخيل الا شموخ النخيل
وكان ضاق المكان اللي من أول مكان
جيت عابر سبيل ورحت عابر سبيل

سعد براك

